

Saassunneqarsinnaanermut nalilersuineq:

# Kalaallit Nunaanni nittartakkatigut saassunneqarsinn aanermut nalilersuineq

Ilusaa siulleg, februaari 2023

---

## **Imarisaa**

Navianarsinnaasunik nalilersuineq: Kalaallit Nunaanni nittartakkatigut saassussisoqarsinnaaneranut nalilersuineq.....	3
Tunngaviusumik nalilersuineq .....	3
Aallaqqaasiut .....	5
Nittartakkatigut isertorluni alapernaaserneq.....	6
Nittartakkatigut isertorluni alapernaasiineq navianaataasinnaasunik allanik pilersitsisinnaavoq .....	7
Nittartakkatigut pinerlunneq .....	8
Ransomwaremik taasartagaannik saassunneqarneq pinerluttuliortunit saassunneqarnissamit navianarnerpaavoq .....	8
Ajortisaariniarluni nittartakkatigut saassussineq .....	10
Isummamik aalajangersimasumik nittartakkatigut siaruarterineq.....	11
Nittartakkatigut peqquserlunneq.....	11
Navianaataasinnaasut sakkortussusaat.....	13



Kastellet 30  
2100 København Ø  
Telefon: + 45 3332 5580

# Navianarsinnaasunik nalilersuineq: Kalaallit Nunaanni nittartakkatigut saassusisoqarsinnaaneranut nalilersuineq

Nalilersuinerup siunertaraa Kalaallit Nunaanni pisorta qarfiit aalajangiisinnaassusillillu allat nittartakkatigut saassusisoqarsinnaaneranut nalilersuineq pillugu paasisutissiiffiqarnissaat. Nalilersuinermit paasisat nittartakkatigut saassusisoqarsinnaaneranut navianaataasinnaasunik nalilersuinermit atornerqarsinnaapput.

## Tunngaviusumik nalilersuineq

- Kalaallit Nunaanni nittartakkatigut saassusinissamut naalagaaffiit takornartat hackerillu pinerlunniartartut navianaataajuaannarput.
- Kalaallit Nunaanni isertortukkut alapernaarsuisartut nittartakkatigut alapernaarsuisinnaanerit **ILIMANAATEQARLUINNARPOQ**. Kalaallit Nunaata issittoqarfiup qeqqani inissisimanera peqqutaalluni isertortukkut alapernaarsuisoqarnissaanut navianaat annertooujussuuvog. Nittartakkatigut isertortumik alapernaarsuinikkut paasisat naalagaaffinni takornartani atornerlunneqarsinnaapput, taamaaliortoqarneralu Kalaallit Nunaata soqutigisaanut ajoqutaasinnaavog.
- Kalaallit Nunaanni nittartakkatigut pinerluttulioortoqarsinnaanera **ILIMANAATEQARLUINNARPOQ**. Ingammik ransomwarekkut saassusisinnaaneq eqqarsaatigalugu, taamaattoqassagaluarpat pisorta qarfiit suliffeqarfiillu eqqugaangaatsiassagaluarput, taakkuali saniatigut Kalaallit Nunaanni inuiaqatigiinnut atorfiit pisariaqarluinnartut aamma eqqugaasinnaapput.
- Kalaallit Nunaannut ajortisaariniarluni nittartakkatigut saassusisinnaaneq **ILIMANAATEQARPALLAANNGILAQ**. Naalagaaffiit takornartat ajortisaarineq siunertaralugu Kalaallit Nunaannut nittartakkatigut saassusinissaat ilimanaateqarpallaanngilaq. Taamaakkaluartoq navianaat siorasaarisogannikkaluarluni takkuteriasaarsinnaavog, tassami naalagaaffiit

arlallit taamatut saassusseriasaarsinnaagamik. Uanili aamma eqqaamaneqassaaq, nunanut allanut nittartakkatigut saassusisoqarnerata kingunerisaanik, Kalaallit Nunaanni atorfiit inuiaqatigiinnut pisariaqarluinnartut aamma eqqugaasinnaammata.

- Kalaallit Nunaannut isummanik aalajangersimasunik siaruarterinissaq siunertarlugu nittartakkatigut saassusisoqarsinnaanera **ILIMANAATEQARPALLAANGILAQ**. Taamaakkaluartoq piffissap sivikitsup iluani isummanik aalajangersimasunik siaruarterinissaq anguniarlugu nittartakkatigut saassussineq pisinnaavoq, tamannalu pisinnaavoq pissutsit ataasiakkaat hackerisartut soqutigilluinnagaat Kalaallit Nunaannut attuumassuteqassagaluarpat.
- Kalaallit Nunaannut nittartakkatigut peqqarniisaartoqarnissaanut **ILIMANAATEQANNGILAQ**. Peqqarniisaarnerup siunertaartut nittartakkatigut saassussineq sakkukinneruvoq, taamaattumik nittartakkatigut saassussineq annikinnerusarpoq, aamma nittartakkatigut saassussinissamut pisinnaasaat annikinneruvoq.

# Aallaqqaasiut

Kalaallit Nunaanni nittartakkatigut saassussisoqarsinnaanera annertuvoq. Saassussisinnaasut tassaanerupput nalaagaaffiit takornartat aammalu hackerit pinerlunniartartut. Naalagaaffiit takornartat hackerillu pinerlunniartartut nittartakkatigut saassusinissaminnut sakkussa qarluarput, taakkualu Kalaallit Nunaanni nittartakkatigut saassussisoqarsinnaaneranut navianaataajuannarput.

202-mi nittartakkatigut saassussisoqarneratigut kalaallit Nunaanni atorfiit pisariaqarluinnartut eqqugaapput. Ilaatigut qitiusumik allattoqarfimmi aammalu peqqinnissaqarfimmi innuttaasunut sullissiniarneq unitsinneqartariaqarsimavoq. Saassussisoqareernerata takutiinnarpaa saassussisoqarnissaanut navianaat qanoq annertutiginersoq.

Issittumi inuiaqatigiit, Kalaallit Nunaat ilanngullugu, inissisimanertik pequtugalugu pilersorneqarnissamut periutsit ajunngilluinnarnissaat pisariaqartippaat, soorlu inuussutissaqarnissaq, innaallagiaqarnissaq aammalu kiassarsinnaanissaq. Taakkununga nittartakkatigut saassussisoqaralarpat pisortanut pisortaanngitsunullu attuumassusillit ajalusoorluinnassagaluarput.

Nittartakkatigut saassussineq killissamik qaangiineruvoq. Naalagaaffiit takornartat hackerillu pinerlunniartartut nunarsuarmi nunanut tamanut saassusinissaat navianaataajuannarpoq. Kalaallit Nunaannut nittartakkatigut saassussisoqarsinnaanerata nalilersorneqarnerani Kalaallit Nunaanni pisartut kisiisa aallaaviginagit Danmarkimi, nunanilu allani Danmarkip Kalaallit Nunaatalu eqqaaniittuni, pisartut nalilersuinermi aamma ilanngunneqarput.

Nalilersuinermitaat nunanut allanut kiisalu sillimaniarnikkut politikki eqqarsaatigalugu navianaataasinnaasunut sunniutaasinnaasut isigineqarput. Nalilersuinermi aamma ilanngunneqarpoq naalagaaffiit takornartat Kalaallit Nunaannut Issittumulluunniit soqutiginninnerat.

Nittartakkatigut isertorluni alapernaarsuisinnaaneq nittartakkatigullu pinerluusernerit nalilersorneqarnerisa saniatigut CFCS-mit isummanik aalajangersimasunik siaruarternissaq siunertaralugu nittartakkatigut saassussisoqarsinnaanera, ajortisaarinialuni nittartakkatigut saassussisoqarsinnaanera aammalu nittartakkatigut peqqarniisaartoqarsinnaanera nalilersuiffigineqarput.

## **Nittartakkatigut saassussisoqarneratigut innuttaasunut kiffartuussissutit sunerneqarsinnaapput**

Naalackersuisut digitalimik sullissinermik aqutsisoqarfiata marsip 25-at 2022-mi qitiusumik allattoqarfimmi sillimaniarnikkut ajortoqarnera paasivaat. Taamaattoqarneratigut nunap iluani nunallu avataanut attaveqarneq unitsinneqarpoq, allattoqarfiullu serveria iserfigineqarsinnaajunnaarsinneqarluni. Taamaattoqarneratigut ilaatigut NemID atorlugu nittartakkat iserfigineqartartut iserfigineqarsinnaajunnaarput, kiffartuussissutit tunniunniarnissaat akiligassallu

akilernissaat kingusinaarput. Naalakkersuisut Siulittaasuata, Múte B. Egedep, tusagassiutinut nalunaarutigaa, taamak pisoqarnerani nittartakkatigut saassussineq pissutaasoq, nittartakkatigullu saassussinermi isertorluni alapernaaserneq siunertaríneqarsimasoq.

Maajip 9-at 2022 Naalakkersuisunit nalunaarutigineqarpoq peqqinnissaqarfimmi atortunik ajutoortoqartoq, taamaattoqarneratigullu nittartagaq doktor.gl iserfigineqarsinnaajunnaartoq aammalu peqqinnissaqarfimmut mailit ajutoortut. Naalakkersuisullu maajip 18-iat 2022 nalunaarutigaat atortuni ajutoornerup peqqutigaa nittartakkatigut saassussisoqarnera. Systemit aallaqqaataaneerineqarsimapput, taamaattoqarneratigullu ilaatigut sulisut innuttaasut pillugit paasissutissat iserfigisinnaasimangilaat.

## Nittartakkatigut isertorluni alapernaaserneq

Kalaallit Nunaannut isertorluni alapernaasertoqarnissaanut navianaat **ILIMANAATEQARLUINNARPOQ**. Tamanna isumaqarpoq, piffissami takkuttumi - ukiuni tulliuuttuni marlunni, Kalaallit Nunaanni pisorta qarfiit suliffeqarfiillu nittartakkatigut isertorluni alapernaaserfigineqarnissaat ilimanaateqartoq.

Nittartakkatigut isertorluni alapernaasertoqarnerani politikkimut aningaasaqarnermullu attuumassusillit tunngavigineqartarput. Naalagaaffiit nittartakkatigut isertorlutik alapernaaserniartarput paasissutissanik mianernartunik nalituunillu perusullutik, tamannalu Kalaallit Nunaannut aamma pisarpoq.

Naalagaaffiit takornartat, tassunga ilanngullugit Rusland aamma Kina, nunanut allanut, sillimaniarnermut illersorniarnermullu politikkimut attuumassutilinnik paasisaqarusuttorujussuupput. Naalagaaffiit takornartat ilaatigut Kalaallit Nunaata naalagaaffeqatigiinnermut naalagaaffinnullu allanut attuumassusaat qanoq inissisimanersoq paaserusussinnaasarpaat.

Nittartakkatigut isertorluni alapernaaserneq ilaatigut Kalaallit Nunaanni inuiaqatigiinnut paasiniaanermut atorneqartarpoq. Assersuutigalugu nittartakkatigut isertorluni alapernaasernerup ilaatigut siunertarisinnaavaa aatsitassanut, nunap pissarititaanut, aningaasarsiorfissanut, inuiaqatigiinnut suliassaqarfinnut, Kalaallit Nunaannilu piginnittunut attuumassusilinnik paasisaqarnissaq.

Issittoqarfik ataatsimut isigissagaanni Kalaallit Nunaat nunap assinga qiviassagaanni qeqqani inissisimavoq, tamannalu peqqutaalluni nittartakkatigut isertorluni alapernaasertoqarnissaa ilimanaateqartorujussuuvoq. Rusland aamma Kina issittumut

soqutiginnittorujussuupput. Rusland issittoqarfimmi siuttutut imminut isigivoq, oqaluttuarisaanerlu qiviassagaanni issittoqarfimmi pingaarutilittut aamma inissisimallutik. Kina issittoqarfimmi sunniuteqarnerorusuppoq, ilaatigut aatsitassanik pissarsinissamut kiisalu imaatigut assartuinerlut tunngatillugu. Nunanit pineqartunit nittartakkatigut alapernaasersinnaaneq pisinnaavoq, taamaaliornissaminnullu niueqatigiinnissaq Issittumilu soqutigisatik misissuiffigisinnaavaat, taamaaliorneralu Kalaallit Nunaata soqutigisaanut ajortumik sunniisnaavoq.

Kalaallit Nunaata Danmarkillu qanimut attuumassuteqarnerat peqqutigalugu Danmarkimi pisorta qarfiit suliffeqarfiillu Kalaallit Nunaannut attuumassusillit saassunneqarnissaannut navianaammut attuumassuteqarlutik Kalaallit Nunaanni oqartussa qarfiit saassunneqarsinnaanerit aamma navianaateqarpoq. Assersuutigalugu navianaatillit taakkuupput Kalaallit Nunaanni pisorta qarfiit suliffeqarfiilluunniit Danmarkimi pisorta qarfinnut nunanut allanut sillimaniarnikkullu politikkimut, EU-mut NATO-mullu attuumassuteqartunik suleqateqartat.

Ukiuni kingullerni Danmarkimi assartuinerlut pilersuinernullu attuumassuteqartut navianaateqarfiusimapput. Kalaallit Nunaat eqqarsaatigissagaanni silaannakkut imaatigullu angallanneq pingaaruteqartorujussuuvuq soorlu aamma Danmarkip Kalaallit Nunaatalu akornanni ilisimatusarneq aamma qanimut suleqatigiiffiusoq. CFCS naliliinera aallaavigalugu Kalaallit Nunaanni suliassa qarfiit pineqartut aamma navianaateqarfiupput.

Nittartakkatigut isertorluni alapernaasersortoqarneratigut suliassa qarfiit nunallu akimorlugit sunniisoqarsinnaavoq. Taamaattoqarsinnaaneranut peqqutaasoq tassaavoq naalagaaffiit aamma iluaqutigisinnaasaminik nittartakkakkut saassussisinnaasarmata. Assersuutigalugu mianernarsinnaasunik tamanut saqqummiussinermit immaqaluunniit supply-chainimik taasagaannik saassussisoqarneratigut, assersuutigalugu IT-mik pilersuisunut saassussinermi, naalagaaffiit takornartat suliffeqarfiit arlallit piffissap sivikitsup iluani saassussinnaavai. Saassussinermi siullermi naalagaaffiup naliliiffigisnaavaa iserfissat, paasissutissat kontulluunniit sorliit suliaraqfigissallugit soqutiginaruunersut.

#### **Nittartakkatigut isertorluni alapernaasiineq navianaataasinnaasunik allanik pilersitsisnaavoq**

Kalaallit Nunaanni nittartakkatigut isertorluni alapernaaserneq nittartakkatigut saassussinermik aallanik aamma kinguneqartinneqarsinnaavoq. Nittartakkatigut isertorluni alapernaasiinermi paasisat tunngavialugit siunissami sunniinialuni nittartakkatigut saassussisoqarsinnaavoq. Assersuutigalugu siunissami Issittuni arlaatigut aqqiagiinngitsoqassappat Kalaallit Nunaat Ruslandimi Kinamulluunniit arlaatigut aqqiagiinngissuteqalersinnaavoq.

Nittartakkatigut isertorluni alapernaasiineq atorlugu naalagaaffiit takornartat IT-garnermi atorlut pillugit paasisaqarsinnaapput iserfigineqarsinnaalerlugillu, taakkualu Kalaallit Nunaanni ajortisaarinissaq siunertaralugu nittartakkakkut saassussisoqarsinnaalluni.

#### **Naalagaaffeqatigiiffimmi sunniinaraluarneq**

Naalagaaffeqatigiiffimmi sunniinaraluarnermut assersuutaasinnaasooq tassaavoq, Kalaallit Nunaata Nunanut Allanut Naalakkersuisuutissimasaat, Ane Lone Bagger 2019-imi novembarimi amerikamiut senatorianut Tom Cottonimut allagaqarsimaneragaammat. Allagaq nittartakkatigut siammarterneqarsimavoq, tassanilu ilaatigut Kalaallit Nunaata Amerikallu suleqatigiinnissaat allaaserineqarluni, siunissamilu Kalaallit Nunaata namminersulivinnissaa isumaqatigiissutigineqarsimalluni kiisalu Kalaallit Nunaata aningaasalersorneqarnissaannut tunngatillugu Amerika Kalaallit Nunaallu isumaqatigiissusiorsimaneragaallutik. Taamani naalagaaffeqatigiinnerup iluani avissaartuuttoqarnissaa siunertaavoq kiisalu USA-p issittoqarfimmut siunertarisaa pillugu Danmarkip USA-llu akornanni tatigeqatigiikkunnaarnissaaq anguniarneqarluni.

## **Nittartakkatigut pinerlunneq**

Nittartakkatigut pinerluttoqarnissaa **ILIMANAATEQARLUINNARPOQ**. Tamanna isumaqarpoq, piffissami takkuttumi - ukiuni tulluuttuni marlunni, Kalaallit Nunaanni pisorta qarfiit suliffeqarfiillu nittartakkatigut pinerlunniarfigineqarnissaa ilimanaateqartoq.

CFCS-imit nittartakkatigut pinerlunneq atorneqartarpoq nittartakkatigut hackerinermi pinerluttoqartillugu, tassanilu aningaasatigut iluanaaruteqartoqarnissaa anguniagaasarluni. Saassussinerni pinerlunnerit assigiinngitsuusinnaapput, assersuutigalugu tillinnerit, peqquuserlunnerit pinngitsaaliilluniluunniit iliuuseqartitsiniarnerit.

Nittartakkatigut pinerlunnerit nunat assigiinngitsut akimorlugit pisinnaavoq, taamaattoqarsinnaaneralu Kalaallit Nunaanni pisorta qarfinnut, suliffeqarfinnut innuttaasunullu navianaataajuaannarpoq. Tassungalu peqqutaavoq nittartakkatigut pinerluttoqarneratigut ilaatigut inuppassuit eqqorniarneqartaramik assersuutigalugu phishing eqqarsaatigalugu nunanut assigiinngitsunut tusindilippassuit allaffigineqarsinnaapput.

Nittartakkakut pinerlunniarnerit ilai pisorta qarfinnut suliffeqarfinnullu aalajangersimasanut pisarput, tassanilu eqqorneqartut ataasiakkaat million koruunit arlallit annaasinnaasarpaat.

#### **Ransomwaremik taasartagaannik saassunneqarneq pinerluttuliortunit saassunneqarnissamit navianarnerpaavoq**

Ransomwaremik taaneqartartumik Kalaallit Nunaanni nittartakkatigut saassunneqarsinnaaneq navianarnerpaavoq. Hackekerit pinerluttuliortartut



saassussinerminni anguniartarpaat qitiusumik IT-qarnermi atortut iserfigineqarnissaat paasissutissanillu atuarneqarsinnaajunnaartitsineq. Taamaalereeraangamik pinerluttuliortut pineqartut saaffigisarpaat akileeqqusarlugillu – akileeripatalu aatsaat paasissutissat atuarneqarsinnaanngoqqittarlutik. Pineqartut akiliiumannikkaangata ilaanneeriarlutik aamma siorasaarneqartarput akiliinnginnarniarpata paasissutissat tamanut saqqummiunneqassasut.

Ransomwaremik taasartagaannik saassussineq pisortaqarfinnut suliffeqarfinnullu eqquingaatsiarsinnaasarput, taakkuali saniatigut aamma inuiaqatigiinni atorfiit pingaarutillit eqqorneqarsinnaasarput.

2021-mi maajip ingerlanerani amerikami suliffeqarfik uuliasiortoq, Colonial Pipeline, ransomwaremik taasagaannik saassunneqarpoq. Colonial Pipeline saassunneqarnermi kingunerisaanik ullut arfinillit suliatik uninngatittariaqarsimavaat. Taamannak saassussisoqarneratigut takuneqarsinnaavoq, ransomwaremik taasartagaannik saassunneqarnermi pilersuisut pingaarutillit qanoq eqqugaasinnaanersut.

Siorasaarineq tillinnerlu hackerit pinerlunniat atugarikkajunnerpaavaat, taakkuali saniatigut aamma hackereqarpoq pequserlunniartartunik. Soorlu aamma Business Email Compromise (BEC)-mik taasagaannik saassussisoqarsinnaasarpoq, tassanilu pinerluttoq suliffeqarfimmi aqutsisutut sulisuusaartarpoq, namminerlu kotomunut aningaasanit akileeqqusisarluni.

**Pitsanngorsaasoqarneratigut nittartakkatigut isertorlutik alapernaasertartut ransomwarelu pinaveersarneqarsinnaapput**

Saassusseriaatsit pineqartut, nittartakkatigut isertorluni alapernaarsuineq aammalu ransomware, aallartisarneqartarneri amerlasuutigut assigiiffeqarput. Periutsini pineqartuni hackerit IT-qarnermi atortunut iserniartarput, soorlu mailserverimut, taamaaliornissaminnullu phishing allalluunniit isissutaasinnaasut atorneqarsinnaasarput.

Tamanna isumaqarpoq Kalaallit Nunaanni pisortaqarfiit suliffeqarfiillu pitsanngorsaanerimikkut nittartakkatigut isertorlutik alapernaasertartut ransomwarellu pinaveersaartissinnaagaat.

Naak saassussinerni pineqartuni siunertarineqartut assigiinngikkaluartut, pisortaqarfiit suliffeqarfiillu navianaataasinnaasut pinaveersaartinniarlugit iliuuserisinnaasat assigiipput.

# Ajortisaariniarluni nittartakkatigut saassussineq

Kalaallit Nunaanni ajortisaariniarluni nittartakkatigut saassussisoqarsinnaanerani navianaat **ILIMANAATEQARPALLAANNGILAQ**. Tamanna isumaqarpoq, piffissami takkuttumi - ukiuni tulluittuni marlunni, Kalaallit Nunaanni pisorta qarfiit suliffe qarfiillu ajortisaariniarluni nittartakkatigut saassunneqarnissaat ilimanaateqarpallaanngitsoq.

Naalagaaffiit takornartat Kalaallit Nunaannut ajortisaariniarluni nittartakkatigut saassussinissaat ilimanaateqarpallaanngilaq.

Ajortisaariniarluni nittartakkatigut saassussineq naalagaaffinnut aaqqiagiinngiffeqarfiusuni takussaaneruvoq. Naalagaaffiit arlallit, tassunga ilanngullugu Rusland, ajortisaarinissaq siunertaralugu nittartakkatigut saassussinnaassuseqarput. Naalagaaffiit piffissap sivikitsup iluani ajortisaariniarlutik nittartakkatigut saassussinnaanissartik anguniarlugu ingerlaavartumik piginnaanitik qaffassartarpaat.

Tamanna isumaqarpoq Kalaallit Nunaannut navianaataasinnaasoq piffissap sivikitsup iluani tassangaannartumilluunniit qaffassinnaavoq, taamaattoqarsinnaavorlu sillimaniarnikkut politikkikkut inissisimaffik allanngussagaluarpata. Assersuutigalugu Ruslandip Ukrainillu sorsunnerat Ruslandip NATO-llu akornanni sorsunnertut annertusissagaluarpata. Navianaataasinnaasoq qaffakkiartorsinnaavoq aaqqiagiinngissummi Kalaallit Nunaat issittoqarflluunniit pineqalissagaluarpata.

Naak maannamut navianaataasinnaasoq **ILIMANAATEQARPALLAANNGIKKALUARTOQ**, Kalaallit Nunaanni taamak pisoqarsinnaanissaa navianaatitaqarpoq, tassami ajortisaariniarluni nittartakkatigut saassussineq Kalaallit Nunaannut annertuumik sunniteqassammat. Assersuutigalugu taamatut saassussisoqassagaluarpata inuiaqatigiinni inissisimaffiit kiffartuussissutillu pingaarutillit, soorlu nukissiorneq, attaveqarneq interneteqarnerluunniit kipitinneqarsinnaapput attavilutsinneqalersinnaallutilluunniit. Taamatut ajortisaariniarluni nittartakkatigut saassussisoqassagaluarpata paasisutissat atortullu sequminneqarsinnaapput.

Uanilu eqqaamaneqartariaqarpoq nunanut allanut aserorteriniarluni nittartakkatigut saassussineq Kalaallit Nunaannut sunniteqarsinnaammat. Assersuutigalugu nunanit allaneersut Kalaallit Nunaanni inuiaqatigiinni pingaarutilinnut inissisimasunut pilersuisut saassunneqaraluarpata, saassussineq Kalaallit Nunaannut sunniteqassaaq.

2022-mi februaarip ingerlanerani Viasat, amerikami satellititut attaveqaat, aserorteriniarluni nittartakkatigut saassunneqarpoq. Naak Ukrainemiut sakkutuui saassunneqarunalaruurtut, atuisut nunani assigiinngitsuneersut sivirusumik sunnerneqarput.

# Isummamik aalajangersimasumik nittartakkatigut siaruarterineq

Kalaallit Nunaannut isummanik aalajangersimasunik siaruarterinissaq siunertaralugu nittartakkatigut saassusisoqarsinnaanera **ILIMANAATEQARPALLAANNGILAQ**. Tamanna isumaqarpoq, piffissami takkuttumi - ukiuni tulluittuni marlunni, Kalaallit Nunaanni pisorta qarfiit suliffeqarfiillu isummanik aalajangersimasunik siaruarterinissaq siunertaralugu nittartakkatigut saassunneqarnissaat ilimanaateqarpallaanngitsaq.

Isumannik aalajangersimasunik siaruarterinissaq siunertaralugu nittartakkatigut saassussineq ilaatigut paasineqarsinnaasarpoq suliassaqarpallaartitsiniartutut saassussinertut, taannalu DDoS-imik taaneqartarpoq, tassani paasissutissat pisortaneersut suliffeqarfinneersullu hackerneqartarput saqqummiunneqartarlutillu.

Naak isummanik aalajangersimasumik siaruarterinissaq siunertaralugu nittartakkatigut saassussisartoqaraluartoq, CFCS naliliinera aallaavigalugu Kalaallit Nunaanni pisortanut suliffeqarfinnullu saassussinissaq annikinneruvoq, tassami ilimanarpallaannginnami nittartakkatigut taamatut saassussisartut Kalaallit Nunaannut attuumassuteqartumik taamatut saassussinissaat ilimanaateqarpallaanngimmat.

Isummanik aalajangersimasumik siaruarterinissaq siunertaralugu nittartakkatigut saassussineq Kalaallit Nunaannut navianaataasinnaasoq piffissap sivikitsup iluani tassanngaannartumilluunniit qaffassinnaavoq, taamaattoqarsinnaavorlu hackerisartut Kalaallit Nunaanni arlaannik suliqaarnissartik soqtigilissappassuk. Saassusseriaaseq Kalaallit Nunaannut atorneqartussa q ilimanaateqarnerpaaq tassaavoq suliassaqarpallaartitsiniartutut saassussineq, taanna ilimanaateqarnerpaaq pilersaaruseriorujussuaqqaanngikkaluarluni pisinnaammat, taamatullu saassusisoqarsinnaaneranut navianaat tassanngaannartumik allanngoriaannaavoq.

Nunat NATO-mut ilaasortaasut russit nittartakkatigut isummanik aalajangersimasunik siaruarterinissaq siunertaralugu saassussisartut, Ukrainemi sorsuttoqarnerata kingunerisaanik Danmarkimut saassussinnaanerannut navianaat qaffariaateqarnikuuvoq. Taamaakkaluartoq taamatut saassussinnaanerup navianaataataa qaffariarneratut annertutigisumik navianaateqartoqarnissaa Kalaallit Nunaannut ilimananngilaq. Kalaallit Nunaat Ukrainemi sorsuttoqarneranut arlaatigut peqataalissagaluarpat, navianaataasinnaasoq qaffassinnaavoq.

## Nittartakkatigut peqquserlunneq

Kalaallit Nunaannut nittartakkatigut peqquserluttoqarnissaanut navianaateqanngilaq. Tamanna isumaqarpoq, piffissami takkuttumi - ukiuni tulluittuni marlunni, Kalaallit Nunaanni pisorta qarfiit suliffeqarfiillu nittartakkatigut peqquserluffiqeqarnissaat ilimananngitsaq.


CFCS-mi nittartakkatigut peqquserlunneq ima nassuiarneqarpoq: nittartakkatigut saassussineq, saassussinermilu nalinginnaasumik peqquserlunnermi kingunerineqartartut annertoqataannik saassussineq. Peqquserlunnermut nalinginnaasumut assersuutaasinnaavoq timikkut inunnt ajoqusiineq immaqaluunniit attaveqaatitigut arlaatigut ajoqusiineq.

CFCS-ip naliliinera aallaavigalugu navianaat ilimagineqanngilaq, tassami peqquserlunniat nittartakkatigut saassussinissaminnut siunertaat annikissorineqarput kiisalu taamaalorsinnaanissaannut piginnaasaat tamakkiisoq pigineqanngissorineqarluni.

# Navianaataasinnaasut sakkortussusaat

Naalagaaffiup isertortumik paasiniaasartuini navianaataasinnaasut sakkortussusaat ima nalilersortarpaat.

<b>ILIMANAATEQANNGILAQ</b>	Navianaateqarsinnaanera takussutissaqanngilaq. Taamaaliorsinnaasunik siunertalinnilluunniit ilisimasaqartoqanngilaq. Saassussinissaq/ajortisaarinissaq ilimanaateqanngilaq.
<b>ILIMANAATEQARPALLAANNGILAQ</b>	Navianaateqarsinnaavoq. Taamaaliortoqarsinnaavoq siunertaqartoqarsinnaalluniluunniit. Saassussinissaq/ajortisaarinissaq ilimanarpallaanngilaq.
<b>ILIMANAATEQARPOQ</b>	Navianartoqarpoq. Taamaaliorsinnaasoqarpoq siunertaqartoqarlunilu immaqalu pilersaartoqarluni. Saassussinissaq/ajortisaarinissaq pisinnaavoq.
<b>ILIMANAATEQARLUARPOQ</b>	Navianartoqarpoq. Taamaaliorsinnaasoqarpoq siunertaqartoqarlunilu pilersaartoqarluni. Saassussinissaq/ajortisaarinissaq ilimanaateqarluarpoq.
<b>ILIMANAATEQARLUINNARPOQ</b>	Navianartoqarpoq. Taamaaliorsinnaasoqarpoq siunertaqartoqarlunilu pilersaartoqarluni immaqalu aallartisaartoqarluni. Saassussinissaq/ajortisaarinissaq ilimanaateqarluinnarpoq.



**Kommenterede [F1]:** Da jeg ikke kan pille ved teksten, gør jeg sådan i stedet:  
 FE misissuinermini ilimanaataasinnaasut skalamat ima nalunaarsortarpa  
 Usan...-> Pisinnaanngilaq  
 Mindre...-> Pisinnaagunngilaq  
 Muligt → Pisinnaavoq  
 Muligt → Ilimanarpoq  
 Meget → Ilimanarluiannarpoq  
 FE nalilerpaa atorneqartilugu allatut allassimasoqartinnagu ilimanarpoq pineqartarpoq.